

~~I.~~ A. J.
~~109.~~ 141.

Vannulbt

MS

(1-13)

N. f. 141 (1-13).

L 148,



Die Historia/ von der
grausamen vnd schrecklichen Zersto-
rung / der heiligen Stad
Jerusalem.

Von dem Ehrwürdigen vnd Hochge-
larten Herrn D. Johanne Nepino seliger
gedechtnis / aus den alten Historien-
schreibern/ Josepho/ Egesippo vnd Josip-
po/ mit allem vleis kürzlich zusam-
men gezogen / vnd vor ehli-
chen jaren Lateinisch
beschrieben.



Zekunder aber dem gemeinen Mann zu
gut verdeutschet / vnd in Druck
gegeben/ Durch

Andre: Bersitzium.
Quedelburgensem.

Im Jahr/

1 5 7 4. R

R

12



Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.



Der Edelen/ Erbaren/ vnd Vieltugent-
samen Frauen / Adelheit von der Alseburgk / des
Bestrengen vnd Ehrnuesten Leonarts Rötzen seli-
gers/ nachgelassenen Widwen/ sampt J. E. beyden Töch-
tern. Den Edelen / Erbaren / vnd Vieltugentsamen
Jungfrauen Annen vnd Künigundt / Meinen
großgünstigen Gönnerin / gnade vnd
friede durch E H X J
stum / 2.

Nach deme S. Paulus im 10. Ca-
pitel/ der 1. Epist. zum Corinthern/
etliche Sünden der Jüden / wider
die erste vnd andere Taffel / sampt
den Straffen / so Gott darüber
ergehen lassen/erzelet hat / Zeiget er auch vrsachen
an/ warumb Gott solche Exempel/ seines gerechten
zorns wider die Sünden/ nicht alleine habe kom-
men / sondern auch durch die ganze Bibel vleissig
auffzeichnen / vnd vns gleich in einer Taffeln für
die augen stellen lassen/ vnd spricht:

Solchs alles widerfuhr ihnen zum furbilde.
Es ist aber geschrieben vns zur warnung/ auff wel-
che das ende der Welt kommen ist. Mit diesen
worten leret je der heilige Apostel Paulus/ wie wir
die schrecklichen dreuwungen Gottes / des Herrn
Christi vnd der lieben Propheten weissagungen
von künfftigem vnglück / auch die Exempel der ent-

A 2 lichen

Vorrede.

lichen erfolgten Straffen / vber vnd wider die Sünden vnd Sünder / sollen ansehen / mit nutz vnd frucht lesen vnd betrachten: Nemlich also / Das wir vns solche Dreyungen / Propheceien / vnd Straffexempel / sollen lassen sein eine warnung / nicht alleine das wir vns fur der Straff vnd vnglück lernen hüten / sondern auch die gnedige vnd Beterliche heimsuchung Gottes erkennen vnd annehmen.

Denn one das / können wir der auffgelegten vnd gedreyeten straffe nicht entinnen / vnd haben vns nichts gewissers zuuersehen / denn das Gott mit der zgedachten straff werde hinter vns her sein / vnd einen mit dem andern hinweg nemen vnd verderben.

Wie nun dieser Vere S. Pauli nach / alle dreyungen vnd Exempel der Straffen / welche Gott von der Welt anfang / vber vnser erste Eltern / den Cain / vber die ganze Welt zur zeit der Sündflut / Sodom vnd Gomorrha / vnd Pharao / vnd das ganze Israëlitische Volch / neben den andern / bis auff den heutigen tag hat ergehen lassen / nicht anders als eitele warnungen / anzusehen / zu lesen / vnd zubeherzigen sein : Also ist kein zweiffel / das auch das grewliche / schreckliche / vnerhörte Exempel des zorns Gottes / so an der grosmechtigen / Königlich-
chen

Vorrede.

chen vnd heiligen Stad Jerusalem vns furgebildet ist/ sey allen Menschen/ die seit der zeit gelebet/ vornemlich aber vns / auff welche das ende der Welt kommen ist / eine trewhertzige warnung vnd vermanung/ das wir die gnadenreiche zeit der Göttlichen heimsuchung / den tag des heils / so jezunder fur der thür ist/ nicht aus vnachtsamkeit verschlafen vnd furüber lassen / viel weniger aus grosser verstockter sicherheit vñ blindheit verachten/ Sondern immerdar bereit sein / die angebottene gnade Gottes anzunehmen/auff die zeit der gnedigen heimsuchung zuwarten/vnd vns durch warhafftige busse zur zeitlichen flucht schicken vnd gefast machen/ auff das wir dem brennenden Göttlichen zorn/vnd der schweren straff/ so auff solche sicherheit vnd vndanckbarkeit gewis folgen wird / mit vielen frommen/ busfertigen vnd gleubigen Christen entgehen mögen.

Derwegen ist genzlich kein zweiffel/es sey hoch nützlich / vnd vmb der rohen sichern Welt willen aus der massen nötig/das die jemmerliche vnd erbarmliche Historien / der grausamen vnd erschrecklichen zerstörung vnd verherung / der heiligen Königlichlichen Stad Jerusalem/ vnd zerstreung des Jüdischen Volcks / so noch heutigs tages wehret / stets vnd on vnterlas mit allem vleys gelesen / vnd betrachtet werde.

A 3 Weil

Vorrede.

Weil aber dieselbige Historia nicht von jederman kan verstanden werden / auch die Historici als Josephus / Egesippus vnd Josippus nicht immerdar zur hand sein / sein dieselbigen billich lobenswert / die so viel mühe vnd arbeit an diese Historien gewandt / das sie die nicht alleine aus den alten Historienschreibern ordentlich zusammen getragen / sondern auch verdeutscht / vnd in ein Handbüchlein / das man immerdar bey sich tragen kan / verfasst haben. Darumb haben wir den Ehrwürdigen Hochgelarten Herrn / als D. D. Pomerano / vnd D. D. Paulo Ebero / seliger gedechtnis / viel zu dancken / das sie der Welt mit so nützlicher vnd nöthiger arbeit / furnemlich in diesen letzten zeiten / da alles ober vnd ober gehet / vnd niemand mehr nach Gottes zorn fraget / haben gedienet.

Ob nu aber dieser beyden Ehrwürdigen / Hochgelarten Herrn Doctorn Büchlein wol vormals gedruckt vnd publiciret sein worden / so ist doch immer schade / vnd nicht eine geringe sünde / das ist und die Jugend derselben mangeln vnd darben sol. Welches dann geschiehet / weil fast keine Exemplaria mehr verhanden / oder da noch etliche zubekomen / hie dieser örter selten gesehen vnd gelesen werden. Wie ich denn solchs in der warheit befunden / vnd auch etliche guthertzige Leute / so von jren Predigern /

Vorrede.

gern/diese Büchlein zu lesen vermanet waren/über
den mangel selbs hören klagen. Das ichs nicht für
vnnötig geachtet / dieselbige Historien / wie sie der
Ehrwürdige Herr Doctor Johannes Aepinus
seliger gedechtnis / hat aus dem Josepho / Egesip-
po vnd Josippo / in Lateinischer Sprache beschrie-
ben / für mich zu nemen / vnd meinem vnuermögen
nach zuuerdeutschen / alles guter wolmeinung / nicht
das die andern Büchlein hiedurch sollen oder kön-
nen vergessen werden / Sondern weil dieser örter
derselben mangel gespüret / vnd ich gute hoffnung
habe / weil die Historia so gar schlecht vnd einseltig /
vnd auch kürzlich alhie ist gefasset / vnd auch die
Summa der Leren vnd vermanungen / so wir dar-
aus zu nemen / gar artig / kurz vnd rund dabey ge-
setzt / sie solle dem gemeinen Manne / der mit langen
Schriften nicht zubeschweren / desto nützlicher vnd
dienlicher sein.

Das ich aber E. E. diese geringe arbeit habe
zuschreiben / vnd vnter E. E. berhümpften Namen
in den Druck geben vnd verfertigen wollen / ver-
sehe ich mich gantzlichen / es werde solchs E. E. we-
niger denn nichts zu entgegen sein. Denn ich gar
keinen zweiffel trage / es solle dieses Büchlein / von
denen / welchen E. E. grosser ernst vnd vleis / vnd
auch sonderliche lust / Gottes Wort vnd nützliche
Histo-

Vorrede.

Historien zu lesen/bekand sein/ desto lieber vnd off-
ter gelesen/ behertzigt vnd betrachtet werden. Vnd
wenn dann ekliche verstockte vnd sichere Herzen/
durch diesen grossen jammer/elend vnd schaden der
schönen Stad Jerusalem/ darin sie wegen verach-
tung Göttlichs Worts/verfolgung der Propheten
vnd Aposteln/vnd tödtung vnsers einigen Heilan-
des vnd Mittlers Jesu Christi gekommen sind/zur
Busse vnd besserung erweicht würden / das sie die
gnedige heimsuchung/ durch die Predigt Göttlichs
Worts geschehen/erkennen/annemen/vnd von ver-
achtung derselben / verfolgung der Christen ablies-
sen/solte es billich E. E. gröster rhum vnd ehre sein/
so E. E. berhümpften Namen jemals widerfahren
möchre.

Befehle hiemit E. E. sampt derselben geliebten
Kinder/ in die gnade / schutz vnd schirm der Gött-
lichen Maiestet / mit wünschung reicher zune-
mung/ im erkenntnis des Herrn Ihesu Christi/ vnd
mehrung GÖttes furcht vnd liebe / **A M E N.**

Gegeben zu Quedelinburgk/ Dom: 10. Trinit:
Im 1574. Jare.

E. E.

Williger/

Andreas Perliczius.
Quedelburgens.

Eine trawrige Klage vnd Weiffagung / vnd gutherzige Warnung / des tewren Mannes Gottes Lutheri.

Es ist die vndanckbarkeit der Welt so vberschwenglich gros / vnd wird von tage zu tage grösser / Das / wo nicht der Jüngste tag drein kommen wird / wir sorgen / ja nicht sorgen / sondern gewislich weiffagen vnd gewarten müssen / der greulichen vnd schrecklichen plage vnd zorn Gottes / damit er sein liecht wider zu sich ziehe / vnd die finsternis vber alles komen lasse / vnd solche Plage schon das mehrertheil angehet / weil fast der gantze hauffe Gottes Wort im hertzen verloren hat / vnd so jemmerlich verachtet : Dagegen aber dem Abgott Mamon / mit solchem vleis anhanget / vnd im nachleufft / als wolte ein jeglicher gerne aller Welt gütter zu sich reissen / das man wol sibet / wie das liebe Wort / noch allein ein wenig leuchtet auff dem Predigstuel / durch die leibliche stimme / wiewol derselben Predigstul auch wenig sind.

Weil wir denn sehen vnd greiffen / wie das Göttliche Wort schon verloschen ist in den hertzen / so ist es fort vmb ein geringes gethan / das es auch auff dem Predigstuel verlesche. Denn wer kein hertz dazu hat / der wird nicht lange die ohren oder den mund dazu thun. Wenn aber der Predigstuel nimmer leuchtet / so hat denn die Welt was sie haben sol / vnd verdienet hat / Nemlich / das sie von Gott verlassen vnd

B

ver

verstossen/dem Teufel in seine gewalt gegeben wird/
der sie von einem irrthumb in den andern führe / mit
allerley lügen/Abgötterey/Ketzerey erfülle. Darnach
zu auffribur/krieg/mord/geitz/ Summa zu aller vns
tugend vnd laster/treibe vnd jage / Wie Christus sa-
get / das der ausgetriebene Teufel / mit sieben Geis-
tern / die erger sind denn er ist / sein voriges Haus
einnimpt vnd besitzet.

Solchs sage ich / dürffen wir vns nicht alleine
besorgen / sondern so gewislich vns versehen / als
Gott lebet / weil wir bereit den anfang solchs vns
glücks/so gewaltig fur augen sehen/vnd alle hertzen
des grossen hauffen drinnen stecken. Das heist denn
recht/Sodom vnd Gomorrha mit feur vnd schwefel
versenckt / Das heist/ die Welt mit der Sündflut
erseufft/ Das heist Jerusalem zerstöret/das nicht ein
stein auff dem andern bleibt. Vnd ist keine hoffnung
noch rath/solchs ab zubitten oder zuwenden/es thue
es denn der Jüngste tag. Denn niemand wils hören
noch glauben / vnd wenn mans gleich singet vnd sa-
get/so ist ein spot. O recht/recht/ so sol dich G^{otte}
straffen du verzweiffelte Welt / vmb deine vndanck-
barkeit vnd verachtung Göttlichen Wortes / das du
nicht wert sein must/ zu glauben deine künfftige straf-
fe / die man dir so hefftiglich verkündiget / sondern
ehe versencket seist in Abgrund / mit Sodom vnd
Gomorrha/ ehe du es mercken könnest.

Also hat Jesaias am 6. Capit dir auch verkündi-
get: Gehe hin/vnd verblende diesem Volck ire augen/
vnd verstopffe ire ohren/ das sie blind vnd taub wer-
den/vnd weder sehen noch hören können / Vnd ma-
che inen jr hertz dicke/das ist/vnachtsam/sicher vnd
vndanckbar / das sie toll werden / vnd nichts verste-
hen noch mercken/ auff das sie ja sich nicht bekeren/
vnd ich in helfen müsse,

Die

Dieser Text gehet an / vnd fehret mit gewalt ein
her / bey den vndanckbarn Leuten der Welt / da ist
kein sehen noch hören / noch bedencken / noch bes
fern / noch bekeren. Darumb wird das letzte sich auch
gewislichen müssen finden / das er sie verlassen / vnd
nicht helffen wil. Das ist schrecklich greulich.

Aber was können wir dazu? wir müssen lassen
gehen vnd komen / wie es gehet vnd kömpt. Denn ob
wir vns darumb zurissen vnd kranck klagten / so frage
die Welt doch nichts darnach / sie fehret dahin wie
sie toll vnd töricht / vnd mit allen Teufeln besessen ist.
So fare auch hin du edles zartes Früchtlein / vnd be
finde was du suchst / vnd ja nicht entperen noch an
ders haben wilt / Wir sind leicht gescheiden / wir kön
nen dich nicht halten / so wiltu vngehalten sein / So
singen wir mit den Engeln vber Babylon: Wir ha
ben lange an Babylon geheilet / Aber da ist kein heil
en / drum lassen wir sie faren / vnd ziehen dauon.

Doch weil in des / das wir solcher Plage / oder
des Jüngsten tages gewarten müssen / vnd noch eine
kleine zeitlang (wie CXXI Iustus spricht) das Liecht
haben / so wollen wir die das Liecht haben / in dem
selben Liechte wandeln / so lange wirs haben /
auff das wir des Liechts Kinder erfunden werden /
Vnd wenn die Stunde kommen wird / das vnser
Sodom / vnd Gomorrha versincken muss / mit
Schwefel vnd Feuer / Wir mit dem fromen Loth
erhalten vnd errettet werden. Denn G D T T weis
wol / spricht Sanct Petrus / wie er die Frommen
erretten sol / wenn er die vnglenbige Welt straffet.
Darumb wollen wir immer anhalten / mit leren
vnd vermanen / vns selbs vnter einander / zum
Glauben vnd guten Wercken / vnd das liebe Liecht
erhalten / vnter dem argen / verkerten Geschlechte /

wie die Lampen vnd Liechtstarr etc. vnd auch thun/
als sehen oder kenneten wir die feindseligen vnd danck-
barn Verechter nicht.

Denn obs der grosse verlorne Hauffe nicht ach-
tet / so müssen doch ja etliche das kleine Deufflein
sein / die es mit liebe vnd danck annemen / vnd Gott
dafur dancken. Wie auch S. Paulus / da er lange an
dem verlornen Hauffen vergeblich gearbeitet hatte/
keret sich zu den Aufferwelten / vnd spricht: Er thue
alles vmb der Aufferwelten willen. So wollen wir
auch thun. Denn ob gleich wir gerne mehr thun
wolten bey den andern / so wils doch nichts sein / vnd
ist alles verloren. Christus vnser Herr vnd Heiland
erhalte vns sein kleines Deufflein / vnd sey mit
vns bis auff den tag seiner Herrlichkeit / vnd
vnser Seligkeit / vnd das derselbe

bald komme / Amen /

A M E N.



Die

Die Historia/ von der grausamen vnd schrecklichen Zersto- rung / der heiligen Stad Jerusalem.

Nach dem der Scepter Juda/ der prophe-
cey oder weiffagung nach / vor der zu-
kunfft vnd offenbarung des Messia /
war auff die letzte Obrigkeit / nemlich/
auff die Römer gekommen / vnd vnter dieselben ge-
theilet / Da war die erste vrsach vnd anfang / des letz-
ten Jüdischen Krieges / vnd der zerstörung Jerusa-
lem / des Cestij Flori eines Römischen Landpflegers
grosser geitz / vnd vnerhörte Tyranny / Welche gar
zu schwer / vnd gantz vnleichtlich dünckte den Jüden /
so da irer gewonheit nach / sich mit der falschen Hoff-
nung trösteten / das ir Messias würde kommen / vnd
inen ire vorige Libertet vnd freyheit wider zu wege
bringen.

Derwegen vnterstunden sie sich offte mit errega-
tem auffrühr / ire dienstbarkeit / so inen von den aus-
ländischen Deuptleuten ward auffgelegt / von sich
abzuwenden / vnd ire Freyheit vnd Immunitet / wi-
der zuerlangen.

Wie aber der Cestius Florus / welcher zur zeit
des Keyfers Neronis / das Jüdische Land inne hat-
te / vnd als ein Landpfleger bestellte / ir furhaben vnd
practicken erlernete / ward er dadurch je mehr vnd
mehr verbittert / vnd verursacht / das er allerley wege
vnd gelegenheit gebrauchte / das er die Jüden in irer
dienstbarkeit erhielt / vnd sie von irem auffrühris-
chen

schen fürnehmen / mit gewalt abschreckete. Vbete
derwegen grosse vnd mancherley Tyranny an den
Jüden / vergos vieler blut / viel liess er im Tempel er-
hencken / die vornempsten mit Ruthen schlagen /
Vnd befahl / das man im im Tempel ein Haus
bawen solte / ehrliche Jungfrawen vnd Matronen
schendet er / vnd beschwerete das Volck mit neuen
Schatzungen / Zollen vnd Frondiensten.

Durch diese grausame Tyranny / wurden die
Jüden wider in verhetzet / das sie in des Antoni
Haus / so er zu Jerusalem hatte / einfielen vnd es
zerstöreten. Sie liessen die Römer greiffen vnd töd-
ten. Den Pallast des Agrippæ / der in solchen wider-
setzigen vnghehorsam trewlichen widerrieth / liessen
sie anzünden / jagten in aus der Stad / vnd raubeten
seine Güter.

Dieses waren also die anfenge / der zerstörung
Jerusalem. Aber die Jüden geriethen vmb dieses
Cumults willen in grossen hass / bey den Umblen-
dischen : als widerstrebeten sie mutwillig vnd vnghe-
horsamlich den Königen / vnd andern gewaltigen
Regenten vnd Potentaten. Denn die Auslendischen
hielten sie als Auffrührer vnd Lchter / vnd das war
die vrsach / das sie alle gnade vnd gunst verloren /
vnd bey jederman verbechtigt vnd gehessigt wurden.

Auff das sich aber Cestius Florus an inen vnd
ihrem mutwillen rechte / beschrieb er ein Kriegs-
volck / bekriegte / verbrente / verherete / vnd verstorete
das Jüdische Land. Vnd also entstand aus diesem
Kriege die Zerstörung / beydes der Stad Jerusalem /
vnd des gantzen Jüdischen Landes. Denn zu der zeit
ward Vespasianus ein Rittmeister / vom Keyser Ne-
rone gesandt / die Jüden zu zwingen / vnd vnter der
Römer gewalt zu bringen.

Ehe

Ehe denn aber die Stad belegert ward / wurden die Jüden / durch mancherley vorgehende Zeichen vnd Wunder / des künfftigen vnglücks erinnert. Aber sie kereten sich weniger dann nichts daran / vnd deuteten alles zum besten / meineten es weren alle gute Zeichen vnd Vorbothen.

Über dem Tempel ward ein gantz jar vmblang gesehen / ein grosser Cometstern / vnd neben demselbigen / ein glantzendes zweyschneidiges Schwert.

Kings vmb die Stad herum / ward des abendes / ehe die Sonne vntergiang / gesehen / das zwey grosse Kriegsheer in den lufften ein treffen theten / vnd mit einander Scharmützelten.

Es ward alle nacht / bey einer halben stunden / neben dem Altar gesehen / eine grosse brennende Fackel.

Ein Kalb / so zum Opffer in den Tempel gefüret ward / gebar ein Lamb.

Die gröste Thür am Tempel gegen Morgens werts / welche mit eisern Riegeln versperret / vnd mit starcken Schlössern wol verwaret ward / das sie schwerlich von zwantzig starcken Wennern kondte auffgethan werden / kam offte des nachts von ir selber auff / also das sie mit keiner hand geöffnet ward.

In der Pfingstnacht / geschach im Tempel drinnen ein gros Erdbidem / vnd in der Lufft ward eine Stimme gehöret / die also lauter: Lasset vns von hinnen gehen.

Der Jesus des Anania Son / lieff sieben jar vnd fünff Monat / beyde nacht vnd tag vmbher / vnd ward nicht müde noch heiser / vnangesehen / das er mit weinender stimme im Tempel / vnd auff der gasen /

sen/ den grossen schaden/ vnd vnglück der Stad Jerusaleum verkündigte / in deme er mit lauter stimme on vnterlas schrey: Wehe vber Jerusalem / Wehe vber den Tempel etc.

Ob nun wol die Jüden durch diese vielfeltige/ grausame/ vnerhörte Wunderzeichen/ klar vnd deutlich gnugsam für irem grossen schaden gewarnet sind / Jedoch vberredeten sie den gemeinen Mann/ das es gute Zeichen weren/ die inen nichts böses bedeuteten. Sintemal sie Gottes Gesetze hetten / wohneten in der heiligen Stad / hetten da den Tempel des Herrn / vnd weren Gottes Erbuolck vnd Eigenthumb. Vnd hielten also diese Argumenta viel stercker vnd gewisser / denn alle prophecey vnd weisagung. Denn sie waren in der meinung/ das es vnmöglich were/ das Gott das Gesetz vnd den Gottesdienst würde lassen vergehen/ das er den Tempel/ so nach Gottes befehl gebawet war/ solte lassen zerstören/ vnd die Stad verheren. Ja das eben das Volck/ so vor allen andern Völkern/ zum Eigenthumb von Gott selbs erwehlet war / solte verstoßen vnd verlassen werden.

Durch diese vrsachen vnd gründe / so sie bey sich geschöpfft/ machten sie inen einen mut/ vnd wurden behertzt / wider die Römer zu kriegen. Denn weil sie gedachten / sie stritten für das Gesetze Gottes / für die heilige Stad / für den Tempel / vnd aufferwelte Volck Gottes/ wider die Heiden / die mit mancherley Abgötterey beschmitzt / vnd von Gott gehasset wurden / hoffeten sie gewislich / Gott würde inen helfen vnd beystehen/ vnd inen Sieg wider die Römer verleihen.

Aber es betrog sie ir falscher wahn / vnd vnwissenheit der Schrift/ welche da klerlich zeugete/ das
die

die Göttlichen weiffagungen müſten erfüllet werden / vnd das die zeit / da das Geſetz ſolte auffgehoben / die Stad vnd der Tempel verſtöret / vnd die Jüden zum Reich Chriſti beruffen werden / nu mehr verhanden / ja für der Thür were.

Demnach iſt im 42. jar / nach des Herrn Chriſti bitter leiden vnd ſterben / welchs war das erſte jar der Regierung Titi Veſpaſiani / der nach dem tödlichen abgang / des Keyſers Neronis / im Jüdiſchen Lande von dem Kriegsvolck ward ein Keyſer genennet / die Stad belegert / vnd im andern jar ſeines Regiments eröbert / geplündert / verheret / vnd angezündet worden. 14. Aprilis.
8. Septēb.

Sie iſt aber viel mehr eröbert worden / durch vneinigkeith vnd auffrühr inwendig in der Stad / Gottes gerechten Zorn / groſſen Hunger / vnd grewliche Peſtilentz / denn durch der Römer macht oder gewalt. Das auch Titus ſelbſt bekennet hat / die eröberung dieſer Stad / ſey viel mehr ein werck Gottes / denn der Menſchen geweſen. Alſo das die Stad nicht durch der Römer gewalt / ſondern durch Gottes gerechten zorn / gewonnen vnd zerſtöret iſt / wie ſolchs die weiffagung gnugsam bezeugen.

Denn die Römer hetten die Stad nimmermehr durch ire rüſtung vermocht zugewinnen / wo ſie ſich nicht ſelber hetten mit iren eigenen Kriegen verderbet / das iſt / mit Auffrühr / Mord vnd Todſchlag / Hunger vnd Peſtilentz / vnd andere Straffen Gottes mehr / von welchen wir ordentlich wollen vermeldung thun.

Ehe die Stad von den Römern belegert ward / hatt man mit ſtetigem auffrühr alſo grausamlich in der Stad gerumoret / das in der Stad mehr Jüden ſein im Auffrühr vmbkommen / denn durch der
C Feinde

Feinde Schwerd. Vnd hett Despasianus sich der bes-
legerung nicht leichtlich vnterstanden / wo jme nicht
gute hoffnung des Siegs geben hetten / der Bürger
grosse zwietracht vnd inwendige Kriege.

Von den Aufführern schreibt man also / das die
gantze Stad in drey hauffen oder Kotten zertheilet
vnd geschieden gewesen / welche / da man sich mit
einander berathschlagen solte / ein andern nicht we-
niger mit Rathschlegen / denn mit Kempffen / schwer-
tern / Knütteln / steinen / mord vnd todschlag / sein zu-
wider gewesen / vñ zwar dermassen / das sie den Tem-
pel bis an die schwellen mit blut erfüllet haben. Sie
haben sich nicht geschewet die Hohenpriester / den
Ananum vnd Jesum / furneme Personen / so jr auff-
rührische furnemen strafften / zu tödten / vnd grosse
niderlagen zu thun / vnter jren eigenen Gesellen vnd
Mitbürgern.

In diesen auffhuren wars alles voll vneinigkei-
t vnd zwietracht / jederman hatte lust zu Kriegen / blut
vergiessen / rauben vnd stelen / mutwillen / hasß vnd
neid / vnbilligkeit / rottierung / verretherey / gewalt /
vnd verachtete allen guten rath vnd anschlege. Denn
man verachtete der Alten rath / vnd that alles aus
durstiglichem furnemen der Jungen / Weise / versten-
dige / vnd furneme Bürger / so herr Dimnes in ver-
dacht hatte / wurden ins gefengnis geworffen / der
rottierung vnd verretherey beschuldiget / vnd am le-
ben gestraffet.

Einer jeden Kotten furnemen war dahin gerich-
tet / das sie die andern aus dem wege reumeten / vnd
also alle macht vnd gewalt alleine hetten / jres gefal-
lens in der Stad regiereten / vnd theten was jnen gut
dünccke. Derwegen die eine vnter diesen dreien Sea-
cten / auff das sie des Volcks hulde vnd gunst möch-
ten

ten bekommen / viel auff jre seiten bringen / vnd also die
andern desto füglicher vnterdrucken / hat sich gestel-
let / als hette sie einen sonderlichen eiffer / Vnd hat
die / so in anhengig gewesen / Zelotas / das ist / Eiffe-
rer genennet / darumb das sie wolten dafur gehalten
sein / als kriegten sie wegen jres eiffers / vber dem Ges-
etze / Stad / Tempel / vnd Volck Gottes. Vnd haben
vnter diesem Titel vnd Namen mechtig viel an sich
gehengt / das jrer so viel geworden / das sie alles / was
sie wolten / vngestraft thaten vnd fürnamen. Sie
scheweten sich nicht / mit allerley sünden vnd schan-
den zubeflecken / vnd on alle scham vnd furcht jeders-
man zu tödten / öffentliche reuberey in der Stad zu
treiben / andern die Prouiant zu nemen / vnd den vor-
rath von Victualien zu verbrennen / ehrliche Matro-
nen vnd Jungfrauen zu schenden / in der andern
Kotten Deuser öffentlichen einfall zu thun. Ja der
Zeloten jr wüten hat so gar vberhand genommen /
das niemand seine Todten / so von ihnen ermordet
wurden / hat dürffen begraben / sondern müssen an-
dern zum schrecken vn begraben hinweg werffen.

Weil aber jre böshheit vnd wütendes toben gröf-
ser ward / denn das es die andern beyde hauffen len-
ger erleiden / vnd dulden kondten / vnd sie jnen jrer
vbelthat wol bewusst waren / fiengen sie an auff mit-
tel vnd wege zgedencken / wie sie jren hauffen je
mehr vnd mehr stercketen / vnd die Auslendischen
heimlich zu hülffe riefen. Forderten aus den vrsach-
en zwantzig tausend Idumeer in die Stad hinein /
welche / so bald sie in die Stad eingelassen wurden /
acht tausend Menschen darinnen erwürgeten / vnd
hernach wie jre böshheit vnd Tyranny gröffer ward /
wol in die zwelff tausend der furnempsten Bürger
tödteten / auff das sie der Zeloten macht vnd Tyrans-
ney desto mehr stercketen.

Entlichen wie auch der Idumeer gewalt vnd Tyranny/ von tage zu tage grösser ward/ fieng sich auch allmehlich vneinigkei zwischen den Zeloten vnd jnen an. Aber die Zeloten begunten sich jres halbes vnd der Idumeer gewalt zu fürchten/ vnd erhielten durch listige anschlege bey den Idumeern / das sie aus der Stad wiechen/ vnd sich wider zu den jren begaben / nach deme sie so grosse vnd gewliche Schlachtung/die gantze zeit des Auffrurs verrichtet / das sichs ansehen lesset / es sein in solchem Tumult/mehr dann in den Scharmützel/ so sie fur der Stad mit den Römern gehalten / geschlagen vnd umbkommen.

Dieses sey also gnug von dem Auffrur / so in der Stad Jerusalem zwischen den Ringmauren gewesen.

Auff das wir aber desto besser verstehen / wie gewlichen jre füsse in dem blut der Jüden/der Feinde des Herrn Christi geferberet sein / wollen wir auch kurtzlich anzeigen / wie die Jüden auch an andern örtern von den Bürgern erschlagen sein / auff das ja nicht dem zorn Gottes entfliehen möchten / die so am tode Christi/vnd verfolgung seiner Christen theil hetten.

In Damasco/Ascalon/Scythopoli/Ptolemaide/Alexandria / Gaza / vnd andern Stedten mehr/ da die Jüden vnter den Heiden wohneten / sein viel vnzehlich tausend Jüden durch Auffrur umbkommen.

Vnd das sey kurtzlich gesagt vom Auffrur der Jüden. Nun wollen wir auffss kurtzest auch erzelen/ was von dem grossen Hunger geschrieben wird / durch welchen nicht weniger Jüden zu Jerusalem/ denn durchs Schwerd vnd Pestilentz sein auffgangen.
Vor

Vor der Belegung der Stad / waren gen Jeru-
salem auff's Osterfest / aus gantz Judæa zusammen
kommen / wol bey dreissig mal hundert tausend Men-
schen / die da alle / gleich wie in einem Kercker / durch
die schleunnige belegung / gefangen behalten wur-
den.

Weil aber die belegung sich bis ins ander jar
erstreckte / vnd sie in dem Aufrhur ein andern die
Dictualien mit gewalt namen / das jenige auffrhu-
rischen vnd bösliehen verbrenneten / was man den
Gesellen mit rath solte austheilen / vnd alles mutwil-
lig verschwendet / verprasset / vnd verschlemmet
ward / siengen sie desto ehe an in der Stad mangel
zu leiden am Korn. Denn die grosse anzal der Men-
schen / die langwirige belegung / vnd vnnötige ver-
schwendung des vorraths / war ein wunderlicher /
seltzamer / vnd schrecklicher anfang des Hungers /
welcher so gros ward in der Stad / das da sie nicht
mehr durfften Kreuter samlen vor dem Thore / ha-
ben sie müssen ire eigene Kinder / Kuhedreck / vnd
Taubenmist / Sehnen von Armbrusten / alte Stief-
fel / alte Schue / allerley todes Nass / Hunde / Ka-
tzen / Meuse / vnd ander Ungezieser essen. Entlich ist
der Hunger so gros worden / das eins dem andern /
ja die Kinder jren leiblichen Eltern / den bissen aus
der hand / vnd aus dem munde gerissen haben.

Kocken / Weitzen / vnd ander Getreide / ist so tew-
er gewesen / das die Reichsten / mit alle jrem Gut /
nicht haben können ein einiges Mass bezahlen.

Die Rabini / so fast verhungert vnd verschmacha-
tet waren / weil sie keine hoffnung hatten lenger zu
leben / giengen aus der Stad in der Römer Leger /
das sie entweder umbgebracht / oder von jnen gespeis-
set würden. Welche auch Titus / wie er denn ein

frommer / gelinder / vnd geleter Keyser war / auff
nam / vnd speisen liefs / Aber weil jr mage durch
den hunger so gar verderbet war / das sie die kost wes
der verdawen / noch von sich bringen kondten / sein
sie in kurtzer zeit / nach deme sie sich satt gessen / im
Lager gestorben.

Neben dem Auffrur vnd Hunger / ist auch ein
gefallen eine geschwinde Pestilentz / auff das die /
so nicht durch inwendigen mord / noch hunger wa
ren vmbkommen / nun durch die Pestilentz fielen.
Also hat das Schwerd / der Hunger / vnd die Pesti
lentz / in der Stad dermassen getobet / das die Gassen
alle voll todter Leichnam lagen / welche sie mussten
aus der Stad hinaus tragen / vnd vnbegeben in
den Fluss Cedron weg werffen / darumb das sie den
besslichen gestanck in der Stad nicht lenger vertra
gen kondten.

Die / so aus der Stad in der Römer Feldlager
sich begeben hatten / berichteten / das in die sechs zig
mal hundert tausend todter Leibe / weren vnbegra
ben aus der Stad geworffen / vnd gleichwol vnze
lich viel Todten zur erden bestetigt. Eleazarus hats
dafur gehalten / das im anfang der Belegerung /
durch auffrur vnd hunger / wol in die hundert vnd
funffzig tausend / vnd acht hundert / sein vmbkom
men / welche zal mit der zeit immer grösser geworden
ist.

So vberaus grosser jammer ist in der Stad ge
wesen / das es auch dem Tito selber so nahe zu her
zen gangen / das er fur Gott vnd der Welt bezeuget
hat / er sey des verderbens vnd blutuergiessens nicht
schuldig / denn er habe jnen offtmals den friede an
gebotten / auff das sie nicht so jammerslich vmbkes
men / Aber nichts können erhalten / bey den auffrur
rischen

rifchen vnd halstarrigen Jüden / sie haben den an-
gebottenen friede nicht wollen annemen.

In solcher grosser angst vnd not / haben ihrer
viel lieber sterben / denn leben wollen / vnd haben
sich selber vmbbracht / Denn man wol bey zwey
tausend gefunden / wie die Stad ist gewonnen wor-
den / die sich selber in die Cloacken gestürzt / vnd also
das leben geendet haben.

Nach dem hat Keyser Titus / im andern jar sei-
ner Regierung / die Stad eröbert / vnd ist mit sei-
nem Volck hinein gezogen / vnd hat die Anstifter
der auffrur / lebendig greiffen lassen / vnd befoh-
len / das sie durch alle Gassen geschlept / vnd zum
hohn vnd spott herumb geführet worden / nach wel-
chem Spectackel er sie hat richten lassen.

Die Stad aber hat er verheret / geplündert /
vnd angezündet / den Tempel verbrant / vnd ist
so eine grosse niderlage in der Stad gehalten / das
Titus entlich verbotten hatte / irer mehr zu tödten /
vnd befohlen / man solle sie gefangen nemen / vnd
verkeuffen.

Also sein von dem tage an / da die Stad bele-
gert ward / bis auff die verherung / zehen mal hün-
dert tausend man erschlagen / vnd sieben vnd neun-
zig mal tausend gefangen / hinweg geführet vnd
verkauft worden. Aber die gefangene Jüden hat
man so geringe geachtet / das man ihr kaum dreis-
sig vmb einen pfennig hat können verkeuffen / Ja
das sie die Deiden nicht haben vmb sonst geschen-
cket wollen annemen.

Weil



Weil nu die Jüden sahen / das jnen vom Keyser
das leben geschencket ward / verschluckten sie das
Golt vnd das Silber / so sie noch vbrig hatten / auff
das sie einen Zehrpennig möchten dauon bringen.
Aber die Römischen Kriegsknechte erfuhren das /
schnidten jnen den Leib auff / vnd suchten das Golt
in irem Ingeweide. Dauon schreibet man / das wol
bey zehen tausend Jüden also auffgeschnidten vnd
ausgeweidet sein.

Sehet mit so greulichem tode / hat Gott an den
Jüden gerochen / den tod seines Sons / die verach-
tung seines Euangelij / vnd die verfolgung der seinen.

Also haben sie erlanget / darumb sie gebeten / das
sein blut vber sie vnd ire Kinder kommen ist / das sie
auch hentigs tages noch zerstreuet / die straffe leiden
müssen / bis auff den tag / der herrlichen offenbarung
des Herrn / da sie werden fühlen / was da sey / am
blut vnd tode Christi schuldig sein. Da werden sie
erst befinden / das allzu war sein / die weissagung der
Propheten / die verkündigung der Aposteln / von der
zerstörung des Judenthums / welche sie allezeit ver-
acht vnd in wind geschlagen haben / vnd noch auff
diese stunde verachten.

So hat diese einige weissagung / von der zeit des
offenbarten Euangelij / vnd von der Göttlichen
straffe / so vber die Jüden ergangen / gnugsam mit
dem ausgang bezeugt / wie feste vnd gewis die Pro-
phetische warheit bestehe / vnd wie steiff Gott seine
verheissungen vnd drewungen halte.

Aus dieser schrecklichen Historien / sollen wir
diese nachfolgende stücke vleissig mer-
cken / vnd wol lernen,

Zum

Zum ersten / Das die Historia des verwüsteten
Jüdischen Landes / vnd der zerstöreten vnd verberten
Stadt Jerusalem / vns ein Exempel zeiget des Gött-
lichen zorns / wider die feinde Christi / das ist / wider
des Herrn Christi / vnd seines heiligen Euangelij
Verechter vnd Verfolger. Denn in dieser Historien
ist der befehl Göttlichs willens / wider die Verfolger
Christi vnd seiner Kirchen.

Zum andern / Leret vns die Historia / das nichts
schedlichs sey / denn vermessene / vnnütze vnd ver-
gebliche gedancken vnd furnemen. Denn die hindern
allen guten / nutz vnd heilsamen Rath / vnd sein ein
anfang vnd vrsach des Gewissen verderbens. Dieser
vermessener vnd falscher dünnkel der Jüden / als nem-
lich / Gott werde seiner verheissenen hülffe vnd schutz
nach / die Jüden nicht verlassen / dieweil sie sein Erbo-
volck seind / vnd streiten für das Gesetz / den Tempel /
das Volck Gottes / für dem Gottesdienst / für das
verheissene Reich des künfftigen Messia: Eben die-
ser wahn ist die vrsach irer verstörung. Den dadurch
wurden sie geblendet / das sie den angebotenen Frie-
de ausschlugen vnd nicht annemen wolten.

Also werden wir durch der Jüden Exempel ver-
manet / das wir in gefehrlichen sachen vnd rathschle-
gen / nicht auff vngewissem wahn oder falschem dünn-
ckel stehen / Sondern gewissen grund vnd beweis für
augen haben / auff das wir nicht / wie der Prophet
sagt / vns auff ein Akhor lehnen / vnd damit die hende
verwunden / vnd vns also selber stürzen / mit eitelkeit
vnser eigen gutdünnkels vnd meinung.

Denn sihe / die Jüden liessen sich auch dünncken /
das sie Gottes verheissung vnd die Prophecey hetten
vnd trösteten sich Göttlichs schutzes vñ hülffe. Aber
weil sie nicht achtung gaben auff die zeit / welche die
D weiffa

weiffagungen meldeten/ Nemblich/ das da das Jüdische Reich solte ein ende gewinnen/ wurden sie schentlich betrogen.

Denn die verstossung des Volcks Israels/ der beruff der Weiden/ zerstörung des Tempels/ abthnung des Gesetzes vnd Priesterthums / ausrottung des Reichs/ wegen des Volcks grosse Sünde/ durch welche sie sich vnwürdig gemacht hatten / der Gnaden des newen Testaments/ so in dem verheissenen Messia vnd Weilande solte gegeben werden / das alles war je zuuor verkündiget. Die zeit der gnaden/welche den Jüden in den Propheten angeboten ward / war schon verflossen. Darumb trösteten sie sich vergeblich der Göttlichen verheissung/ weil sie die angebotene gnade verachtet vnd verworffen/ derwegen hatten sie auch nichts mehr zugewarten / denn die verkündigte Rache vnd straffe Gottes.

Zum dritten/ Durch Gottes gnedige versehenung/ fürsorge vnd Rath/ wird alles regieret/ vnd alle ding gewinnen ein ende oder ausgang/nach Gottes geoffenbarten worte. Denn Gott kan durch keines Menschen Rath/ anschlege/ macht oder gewalt gehindert werden. Wenn er die Regiment erhalt/ so stehets vmb das Reich wol / wenn er das Reich vmbkeret gehets alles zugrunde. Des Menschen Weil vnd Verderben beides an Leib vnd Seele/ stehet alles in seinen Göttlichen Wenden vnd Willen.

Weil Gott den Jüden hold war/ vnd erhielt das Jüdische Reich / da war es alles vmbsonst / das sie die Weiden bekriegten. Da aber Gott inē feind ward vnd beides Volck vnd Reich wolte stürtzen/ da ward das gantze Jüdische Reich in kurtzer zeit verstöret / vnd holffen jnen keine Festungen / kein macht noch gewalt/ kein Silber noch Gelt/ &c.

Zu 1

Zum vierden / Wider Gott den HERN gildt kein
Rath vnd Gottes gerechter Zorn vñ Rath / kan nicht
gehindert werden / weder durch Menschen rath / fur-
nehmen oder macht. Wenn Gott straffet / so wird eben
das jenige ein vrsach alles jammers / elendes / vnd ver-
derbens / darauff man sonst die höchste hoffnung /
glücks vnd heils / vnd des schutzes gestellet hatte. Als
denn / was sonst dienen solte zur wehre / schutz vnd
festung / das wird ein feste starck gefengnis / da hilfft
oder nützet nicht mehr / gros Geldt vnd gut / starcke
festungen / Mannes krafft / vnd was des mehr ist /
das man fur die beste beschützung / hülffe vnd wehre
pfeget zuachten. Denn dieses alles war den Jüden /
da Gott straffete / ein vrsach grössers jammers vnd
elendes / da es zuuor / als sie ein gnedigen Gott hatten
jr höchste vnd furnembste zierat vnd stercke war.

Also gehets wenn Gott seine Dand wendet / so
wendet sich auch alles vmb / vnd was fur vns war /
das wird vns denn gar zuwider / was vns nüt; vnd
gut war / das wird als denn schedlich vnd böse. Das
raus wir ja verstehen sollen / das die gerichte Gottes
vnbegreiflich sind / vnd das Gott mehr gelegenheit
habe / sich an seinen feinden zurechnen / denn wir ver-
stehen oder begreifen können / vnd das er seine feinde
grausam vnd schrecklich straffe zu seiner zeit / da er jnen
gar herrlich gedienet vnd geholffen hat / da sie noch
seine freunde waren.

Zum fünfften / Gott rechnet sich nicht mit einer
plage alleine / Sondern mit vnzelich viel vnd ma-
nichfaltigen straffen / an seinen feinden / welche in
Sünden beharren. Vnd das nicht alleine mit zeitli-
chem vnglück vnd jammer / sondern auch mit schreck-
licher blindheit vnd Sünden / darinne er dem Teufel
vnd Gottlosen Menschen / so viel desto mehr verhe-

get/ das er die Sünde desto gewlicher vnd schreckli-
cher straffe / vnd seinen Zorn wider die Sünde zeige
vnd offenbare.

Solche straffen sein: Blindheit des Hertzens /
keines Menschen rath hören vnd folgen / Sondern
alles seines gefallens / one einigs nachdencken furne-
men vnd thun / auffruhr / rauben vnd morden / offent-
liche gewalt / notzucht / vnd was des vnglücks mehr
ist / dadurch sich Gott an des Israelitischen Volcks
Sünde gerochen hat / dadurch er die Stadt / den
Tempel vnd das gantze Jüdische Reich verstelllet / ge-
schmebet vnd zerstöret hat.

Zum Sechsten / Siehet man in der Historien der
zerstörung Jerusalem / als in einem hellen / klaren
Spiegel / das nichts krefftigens noch mechtigers sey /
grosse vnd gewaltige Regiment vñ Königreiche vmb
zukeren / denn vneinigkeit vnd zwitteracht / rottierung
vnd inwendige Kriege.

Zum siebenden / Ob wol Gott mit der straffe sei-
nes gerechten Gerichts / eine lange zeit verzeucht vnd
die Sünde nicht als bald straffet / so lesset er sie doch
nicht vngestraft bleiben / vnd drückt desto schwerer
nach / wenn er die straffen lange hat auff gehalten.

Also hat er mit der straffe des todtes Christi wol
viertzig Jar inne gehalten / aber doch zuletzt gar hart
vnd schwer gestrafft. Also rechent er sich nicht als
bald an dem muthwillen vnd gewalt / so seinen Chris-
ten widerfehret / vnd schenckets doch den verfolgern
nicht / sondern rückt sie zu seiner zeit vber / vnd straffet
alle gewalt vnd vnrecht / so sie den heiligen Gottes
gethan haben.

Zum achten / Wie gewlich vnd schrecklich Gott
seinen zorn sehen lasse an denen / welche Christi Euan-
gelion vnd seine Diener verfolgen / das leret vns der
Juden

Jüden grosser schade / die vns mit irem eigen Exem-
pel bezeugen / das verfolgung Christi vnd verachtung
des Euangelij / von Gott mit grausamer straffen ge-
rochen vnd bezalet werde / an kleinen vnd grossen /
vnd allerley Völkern.

Zum neunenden / Ob gleich im Menschlichen Ge-
schlechte vberall die straffen Gottes vber die Sünde
gehen / so samlet im doch Gott eine Kirchen / vnd er-
helt dieselbigen / in allerley vngelück vnd gefehrlichen
Kriegen / bewaret vnd schützet sie wunderbarlicher
weise / wie er die Aposteln vñ ander heiligen / so durch
der Jüden Tyranny / von Jerusalem vertrieben vnd
vnter die Weiden zerstreuet waren / gnediglich erhal-
ten hat.

Zum zehenden / Weil Gott das helle Liecht sei-
nes offenbarten Euangelij lesset ausleschen an den
örten / da es auffgangen vnd angezündet ist / nimet es
von denen vnd wendet es andern zu / so haben die sich
gewis ires verderbens zuuersehen / welche des Euan-
gelischen Liechtes beraubet werden / wie wir des le-
bendige Exempel haben / an den Jüden / an den Kir-
chen im Morgenland / vnd Welschland / vnd werden
des bald ein Exempel sehen an Deutschland / so itzū
der auff der Rippen stehet / vnd dem falle nahe ist /
vnd bald des angezündeten Liechtes des heiligen E-
uangelij wird emperen müssen.

Was aber weiter in dieser Historien zu-
mercken vnd zubetrachten / das setzet D. Phi-
lippus Melancthon seliger gedechtnis in
seiner Chronicken / im dritten Buch
mit diesen worten :

1. Gott lesset in diesem schrecklichen Exempel seinen

zorn sehen / wider alle Sünde / furnemlich aber wider die grausamkeit / so man gegen der waren Kirchen Gottes vbet. Vnd berufft Gott vnd reitzet mit diesem erbermlichen Spectackel / alle Menschen zur Buss vnd Bekerung / vnd verkündiget ewige vnd zeitliche straffen allen den jenigen / so nicht zu dem ewigen Mitler vnserm DERN vnd Weiland Ihesu Christo fliehen / Wie denn der ander Psalm klar bezeuget: Küisset den Son/das er nicht zörne. Vnd sollen vns dieses wol zugemüth führen/weil Gott dieses Volcks nicht verschonet hat / welches er doch zuvor allen Völckern vorgezogen / vnd zu einem eigenen Volck erwehlet/ in welchem er so vielfeltige herrliche zeugnisse von sich selber gegeben hat / vnd aus welchen die heiligen Peter vnd Propheten geboren sind. Wie viel weniger wird er anderer Weidnischen Reich vnd Völcker verschonen/ die gleiche Sünde vnd Missethat begehen? Wie denn S. Paulus vermanet: Weil Gott der Natürlichen Zweige nicht verschonet hat/wird ers dir warlich auch nicht schencken.


Es hat vns aber Gott der Allmechtige/ nicht allein dieses / sondern viel andere hohe ding mehr wollen fur bilden / vnd zuuerstehen geben / durch solche vertilgung der Jüdischen Pollicey.

Erstlich wil er / das diese letzte ausrottung des Jüdischen Reichs vnd Volcks sol ein gewis zeugnis sein/das Messias schon gesendet sey / welcher noch bey wesen vnd stand dieser Pollicey muste erscheinen/ öffentlich gesehen vnd gehört werden / im lehren / predigen vnd beweisung Göttlicher zeugnis / muste sterben vnd wider aufferwecket werden / nach der Weissagung Danielis.

Zum andern / Dieser zerriffene wüste Stein vnd Brandhauffen zeigt an / das Messias nicht gesandt sey/

sey/ ein Weltlich Reich anzurichten/ Sondern das er ewige Himlische Güter widerbringen vnd auffrichten solle / wie Daniel spricht: Die ewige Gerechtigkeit wird gebracht werden.

Zum dritten/ Dieser verwüster Steinhauffe vnd diese Aschen erinnern vns / vnd zeigen an / das die Ordnung vnd Gesetze Mosis / von Kirchen gepreng vnd Mosaischer Policey vnd Gerichtsordnung / der Christlichen Kirchen/ nicht sollen auffgelegt werden / als nötig zuhalten / wie denn damals viel Klüglinge han darüber gestritten / vnd hat diese Disputation hernachmals auch zu grossen Leumen offtmals Ursache gegeben.



Die

Die Historia von der zerstörung Jeru-
salem / zu erklerung des Euangelions / Luc. 19.

Sprediget zu Eisleben durch M. Zach.
Pretorium.

Hæc HERMANNE tibi sit COZIE nostra dicata
Concio, nobilitas cui pia grande decus.

Auff das menniglich verstehe / wie ein
warer Prophet / den Juden der Herr Chris-
tus in diesem Euangelio gewesen / wollen wir
die Historia der letzten Belagerung der Stad
Jerusalem kürzlich fassen / vnd was darin fur
not gewesen / anzeigen. Es war beschlossen / vnd die zeit ver-
handen / das das alte Testament / vnd das ganze Jüdische
Regiment vnd Gottesdienst / von Mose auffgerichtet / solte
auffhören / Nach dem Christus / vmb welches willen Moses
alles geordnet / komen / vnd sein Reich in aller Welt ange-
fangen. Derhalben verhieng Gott der Allmechtige / das die
Römer der Juden Herren worden / sie aber wolten in nicht
vnterthan sein / vnd erhuben ein empörung wider sie nach
der andern / biß endlich der Keiser Vespasianus / durch sei-
nen Son Titum sie belagert ein halb jar / vnd endlich erob-
bert.

Es giengen aber vnzelich viel schreckliche Zeichen / vor
der Belagerung her / vnter welchen ich nur diese anzeigen
wil. Erstlich sahe man einen Cometen oder Bartstern in
gestalt eines feurigen Schwertes / ein ganz jar lang / gerich-
tes ober der Stad stehen / Darnach hört man im Pfingst-
fest zuuor ein stim im Tempel: Migremus hinc, Lasset vns
ziehen. Zum dritten gieng ein armer Mensch ganker sieben
jar zuuor in der Stad herum / redet lauter nichts / denn
auff dem Fest der Lauberhüten / fehet er vnuersehens an zu
schreien im Tempel: Wehe von Morgen / Wehe von Ab-
end / Wehe von allen vier Winden / Wehe ober Jerusa-
lem /

lem / Wehe vber den Tempel / Wehe vber die jungen Ehes
leuten / Wehe vber diß ganze Volck / Vnd solch geschrey
trieb er tag vnd nacht. Man ließ in streichen vnd schlagen/
aber zu einem jeden streich sagt er nichts / denn wehe Jeru-
salem / vnd gieng zu niemand / redet nichts denn nur bey
sich / als betet er / sprach: Wehe Jerusalem. Da die Belage-
rung anfieng / gieng er auff der Mauren vnd schrey: Wehe
wehe der Stad / dem Tempel / vnd dem ganzen Volck. Letz-
lich sagt er darzu: Wehe mir auch. Da kam ein Geschütz
vnd traff in das er starb.

Was nu fur elend in d' Belagerung gewesen / ist nicht aus-
zusagen. Man rechnet das vber die 21. mal 100 tausend man
in der Stad sind gewesen / Denn das ganze Volck war auff
das Osterfest versamlet / die sind alle gewlich vmbkommen.
Denn erstlich war nicht allein auswendig Krieg / Sondern
auch Krieg / Kotten / vneinigkeits inwendig der Stad / Vnd
geschahen teglich Scharmüel durch die zwene Obersten
Johannes vnd Simon / welche wider einander waren / vnd
ein jeder sein eigen Kriegsvolck hatte. Zu dem kam ein gew-
licher hunger in die Stad / wie ein jeder wol gedencen kan /
vnter ein solchen hauffen, kan kein Prouiant / sey so groß
er wolle / lange weren. Darumb fraß man bletter vnd strün-
cke vom Kraut / verwelckete bletter von Beumen / das grü-
ne Moß von den wenden / das Gespiene / Fur ein Scheffel
Korn gab ein Reicher. Man all sein hab vnd gut / vnd fraß
es ganz vngemahlen / Die Mütter rissen den Kindern das
Essen aus dem Maul / man fraß grüne Laubfrösche / kochten
vnd frassen die Schlangen mit haut vnd allem / vmb ein tod
Pferd durffte sich ein ganze Schlacht erheben / Rühē vnd
vnd Menschen mist ist inen ein angenehmer speise gewest. Ja
das zum gewlichstē vnd wider alle Natur ist / Es ist ein
Erbare vnd reiche Matron mit Namen Maria gewesen /
die hat jr eigen Kind getödet vnd gebraten / die helffte ges-
sen / die andere helffte den Kriegsknechten geben / welche es
dennoch (als sie die sache vernommen) nicht haben wollen es-
sen / sondern viel lieber sterben.

E

Auff

Auff solchen vnerhörten Hunger / ist ein solche Pestis-
lens vnd sterben in der Stad worden / das alle Heuser voll
todten haben gelegen / Weiber / Kinder vnd alte Leute lagen
alle gassen voll / die junge starcke Manschafft gieng herumb
auff den gassen wie die schemen / vnd fielen einer hinder dem
andern darnider vnd starben / einer starb vber dem andern /
wer den andern gerne begraben wolte / der sanck vber im nie-
der vnd dorffte selber des Todtengrebers. Viel leute mach-
ten in aus Brettern greber / weil kein erde vorhanden war /
vnd legten sich lebendig hinein / da war der jammer so gros
das keiner weinen kondte / sondern mit drockenen augen vnd
offenem Munde lag einer gegen dem andern vñ sahe den an-
dern an / welcher ehe sterben wolte / die Kriegsknechte versuch-
ten ire Degen in den Krancken vñ in den Todten / wo sie wol-
ten. Da denn die Stad / alle gassen vnd alle winckel voller tod-
ten lagen / das sich niemand schier beregen kond / da wurffen
sie die todten vber die Mauer in den graben / das der ganze
Stadgrabe voller todten lag / die da jemmerlich von Giffte /
vnd Blut flossen vnd stuncken / das es auch den Heidnischen
Keiser erbarmet / seuffzet vnd ruffte Gott zum Zeugen / das
er solchs jammers kein vrsach were / sondern wolte inen ger-
ne friede gegeben haben / wo sie in hetten wollen annemen.

Des mordens ist kein auffhören maß noch ende gewes-
sen / das zu glauben / es sind dazumal alle Teufel aus der
Hellen in der Stad Jerusalem gewesen. Vnd / wie man
schreibet / sind in der summa zehen hundert tausent Jüden
erwürget / eilff hundert tausent an Hunger vnd Pestilenz
gestorben / siben vnd neunzig tausent sind gefangen / den
Lewen vnd bösen Thieren fur geworffen / auff Fecht Schulen
mit Kappieren durchstochen / verkaufft / verseufft / wie Pferd
vnd Esel an vnmenschlicher arbeit zu todte getrieben zc.

Was etwa von wenig Jüden vberblieben / vnd sich her-
nach geweret / haben folgende Keiser gehenckt / ertrenckt /
geköpfft / getödtet vnd zum eussersten verfolget / als sonder-
lich Domitianus. Vnd dieser jr jammer weret noch bis auff
den

den heutigen tag/das sie keine gewisse stette haben/wie Cain
sie des rechten Abels / Christi Todschleger / müssen vnstet
vnd flüchtig sein / vnd werden geachtet als Vnmenschen /
Hande vnd Würme / erger denn kein Heide / denen kein
Mensch kein trew gedencet zubeweisen / vnd wird also mit
inen bleiben bis an den Jüngstentag. Das heist recht wie
CHRISTVS sagt: Es wird ein solch trübsal sein/desglei-
chen nicht gewesen ist von anfang der Welt/noch sein wird.
Matth. 24.

Was sollen wir aber hieraus lernen ?

Erstlich sollen wir bedencen / die vrsach warumb es den
Jüden so erbermlich ergangen / Nemlich / wie der HERR
Christus allhie spricht im Euangelio: Darumb das sie nicht
erkennet haben die zeit irer Heimsuchung. Das ist / wie S.
Johannes spricht: Christus kam in sein Eigenthumb / vnd
die seinen namen im nicht an. Johan. 1. Sie verschmehten
Christum / sein Euangelion / seine Jünger vnd Apostel /
seine Zeichen vnd Wunderthat / vnd creuzigten den Herrn
der Herrlichkeit. 1. Corinth. 2. So mussten sie andere Apostel
haben / Bruder Feind / der mit Degen vnd langen Spissen
prediget.

Zum anden / sollen wir vns fur dieser Sünde / Nemlich
verachtung Gottes Worts / vnd Diener / vnd fur Verfol-
gung derselbigen hüten / auff das wir nicht in gleiche straffe
fallen. Denn so Gott der Allmechtige seines Eigenthumbs
vnd liebsten Volcks nicht hat verschonet / viel weniger wird
er vnser schonen.

Zum dritten / sollen wir vns trösten / das es vnser HERR
Gott keines weges schencken wird vnsern Feinden vnd Ver-
folgern / so wol falschen Euangelischen / als öffentlichen
Papisten / welche die rechte reine Lere / vnd derselbigen Die-
ner verfolgen / martern / jagen / schmehen vnd spotten. Denn
er hats den allerheiligsten Hohenpriestern vñ dem weisesten
Rath zu Jerusalem nicht geschenckt / viel weniger andern.

So

So hat er je gesaget: Nolite tangere Christos meos. Last
mir meine Prediger zufrieden/ vnd meinen Propheten thut
kein leid. Psal. 105. Item / Qui tangit vos, tangit pupil-
lam oculi mei. Wer euch antastet / der tastet meinen Aug-
apffel an. Zach. 2. Item / Ego stridebo super vos. Ich
wil euch die jr meinen Propheten einhalt thut / zurichten /
das jr kirren solt / wie ein grosser Lastwagen / vnd dennoch
nicht dauon kommen.

Last vns beten.

Herr Allmechtiger Gott / wir dan-
cken dir / das du vns bissher fur grausamer
straff behütet / vnd mit gnaden vnser Sünde ver-
schonet hast. Wir bitten dich aber du wollest vns
gnade verleihen / das wir nach deinem Wort leben
vnd nicht durch vndanckbarkeit vnd verachtung
desselbigen in zeitliche vnd ewige straffe fal-
len / durch Ihesum Christum deinen
lieben Son / vnsern HErrn/
A M E N.



Gedruckt zu Eisleben/bey Urban
Gaubisch wohnhafftig auff dem
Graben / r.



153345
AB 153345

ULB Halle 3
002 117 673




f.
sb.

a

x







B.I.G.

Farbkarte #13

...oria/ von der

...schrecklichen Zersto:
...r heiligen Stad
...erusalem.

...irdigen vnd Hochge:
...Johanne Nepino seliger
...s den alten Historien:
...ho/ Egesippo vnd Josip:
...veis fürklich zusam:
...gen / vnd vor ekli:
...ren Lateinisch
...schrieben.



...m gemeinen Mann zu
...het / vnd in Druck
...den/ Durch

Berlitzium.
...burgensem.

...m Jahr/

7 4. 2

12

